

একাদশ অধ্যায়

বিরাটপুরুষের সংক্ষিপ্ত বর্ণনা

অর্চন প্রসঙ্গে, এই অধ্যায়ে বিরাটপুরুষ এবং প্রতিটি মাসে সূর্যদেবের বিভিন্ন প্রকাশ সম্পর্কে আলোচনা করা হয়েছে। শ্রীসূত গোস্বামী প্রথমে শৌনক ঋষিকে সেই সব জড় বিষয় সম্পর্কে বলছেন যার মাধ্যমে মানুষ ভগবান শ্রীহরির অঙ্গ, উপাঙ্গ, অস্ত্র এবং বেশ সম্পর্কে হৃদয়ঙ্গম করতে পারেন। তারপর তিনি বাস্তব সেবার পস্থা নিরূপিত করলেন যার মাধ্যমে মরণশীল জীব অমরত্ব লাভ করতে পারে। শৌনক ঋষি যখন সূর্যদেবরূপে প্রকাশিত ভগবান শ্রীহরি সম্পর্কে আরও অধিক জানতে আগ্রহী হলেন, তখন সূত গোস্বামী উত্তর দেন যে, আদি জগৎ স্রষ্টা এবং অন্তর্যামী জগদীশ্বর নিজেকে সূর্যদেবরূপে প্রকাশ করেন। মুনিগণ জড় উপাধির তারতম্য অনুসারে সূর্যদেবকে বহুবিধরূপে বর্ণনা করেন। এই জগতকে পালন করার উদ্দেশ্যে পরমেশ্বর ভগবান সূর্যদেবরূপে তাঁর কাল শক্তি প্রকাশ করেন এবং দ্বাদশ পার্শ্ব দল সমভিব্যাহারে চৈত্র মাস থেকে শুরু করে বারটি মাস জুড়ে পরিভ্রমণ করেন। সূর্যদেব রূপে প্রকাশিত পরমেশ্বর ভগবান শ্রীহরির ঐশ্বর্য যিনি স্মরণ করেন, তিনি তার পাপকর্মের ফল থেকে মুক্ত হন।

শ্লোক ১

শ্রীশৌনক উবাচ

অথেমমর্থং পৃচ্ছামো ভবন্তং বহুবিক্তমম্ ।

সমস্ততত্ত্বরাদ্বান্তে ভবান্ ভাগবত তত্ত্ববিৎ ॥ ১ ॥

শ্রী-শৌনকঃ উবাচ—শ্রীশৌনক বললেন; অথ—এখন; ইমম্—এই; অর্থম্—বিষয়; পৃচ্ছামঃ—আমরা জিজ্ঞাসা করছি; ভবন্তম্—আপনার কাছে থেকে; বহু-বিৎ-তমম্—বহুতম জ্ঞানের অধিকারী; সমস্ত—সমস্ত; তত্ত্ব—অর্চনের বাস্তব পস্থা বর্ণনাকারী শাস্ত্র; রাদ্ব-অন্তে—সংজ্ঞা নিরূপক সিদ্ধান্তে; ভবান্—আপনি; ভাগবত—হে মহান ভগবন্ত; তত্ত্ববিৎ—সারজ্ঞ।

অনুবাদ

শ্রীশৌনক বললেন—হে সূত, আপনি হচ্ছেন সর্বোত্তম তত্ত্ববিদ এবং পরমেশ্বর ভগবানের মহান ভক্ত। তাই আমরা এখন আপনার কাছে সমস্ত তত্ত্ব শাস্ত্রের নির্ণীত সিদ্ধান্ত সম্পর্কে প্রশ্ন করছি।

শ্লোক ২-৩

তাত্ত্বিকাঃ পরিচর্যামাং কেবলস্য শ্রিয়ঃ পতেঃ ।

অঙ্গোপাঙ্গায়ুধাকল্পং কল্পয়ন্তি যথা চ যৈঃ ॥ ২ ॥

তন্নো বর্ণয় ভদ্রং তে ক্রিয়াযোগং বুভুৎসতাং ।

যেন ক্রিয়ানৈপুণ্যেন মর্ত্যো যায়াদমর্ত্যতাম্ ॥ ৩ ॥

তাত্ত্বিকাঃ—তাত্ত্বিক শাস্ত্রের পন্থা অনুসরণকারী; পরিচর্যাম্—আরাধনায়; কেবলস্য—বিশুদ্ধাত্মা; শ্রিয়ঃ—লক্ষ্মীদেবীর; পতেঃ—পতির; অঙ্গ—তীর অঙ্গ, যেমন তীর চরণ; উপাঙ্গ—তীর উপাঙ্গ, যেমন পার্শ্বদ গরুড়; আয়ুধ—তীর অস্ত্র, যেমন সুদর্শন চক্র; আকল্পম্—এবং তীর অলংকার, যেমন কৌস্তভ মণি; কল্পয়ন্তি—তীরা কল্পনা করেন; যথা—যেভাবে; চ—এবং; যৈঃ—যার দ্বারা (জড় প্রতিনিধি); তৎ—তা; নঃ—আমাদের প্রতি; বর্ণয়—অনুগ্রহ করে বর্ণনা করুন; ভদ্রম্—পরম কল্যাণ; তে—আপনার; ক্রিয়া-যোগম্—বাস্তব অনুশীলনের পন্থা; বুভুৎসতাং—জানতে আগ্রহী; যেন—যার দ্বারা; ক্রিয়া—সুশৃঙ্খল অভ্যাসে; নৈপুণ্যেন—দক্ষতা; মর্ত্যঃ—মর্ত্য জীব; যায়াম্—লাভ করতে পারে; অমর্ত্যতাম্—অমরত্ব।

অনুবাদ

আপনার কল্যাণ হোক! লক্ষ্মীপতি পরমেশ্বরের আরাধনার মাধ্যমে যে ক্রিয়াযোগের অনুশীলন করা হয়, অনুগ্রহ পূর্বক অতুৎসাহী শিক্ষার্থী আমাদের কাছে সেই পন্থা ব্যাখ্যা করুন। বিশেষ বিশেষ জড় প্রতিভূর পরিপ্রেক্ষিতে ভগবানের ভক্তরা যেভাবে তীর অঙ্গ, পার্শ্বদ, অস্ত্র এবং অলঙ্কার সম্পর্কে ধারণা করেন, তাও অনুগ্রহ করে ব্যাখ্যা করুন। দক্ষতার সঙ্গে পরমেশ্বরের আরাধনা করে, মরণশীল জীবও অমরত্ব লাভ করতে পারে।

শ্লোক ৪

সূত উবাচ

নমস্কৃত্য গুরুন্ বক্ষ্যে বিভূতীবৈষ্ণবীরপি ।

যাঃ প্রোক্তা বেদতন্ত্রাভ্যামাচার্যৈঃ পদ্মজাদিভিঃ ॥ ৪ ॥

সূতঃ উবাচ—সূত গোস্বামী বললেন; নমস্কৃত্য—নমস্কার করে; গুরুন্—গুরুবর্গকে; বক্ষ্যে—বলব; বিভূতিঃ—ঐশ্বর্য; বৈষ্ণবীঃ—ভগবান শ্রীবিষ্ণুর অধিকারে; অপি—বস্তুতপক্ষে; যঃ—যা; প্রোক্তাঃ—বর্ণিত হয়; বেদ-তন্ত্রাভ্যাম্—বেদ এবং তন্ত্রের দ্বারা; আচার্যৈঃ—আচার্যদের দ্বারা; পদ্মজ-আদিভিঃ—ব্রহ্মা থেকে শুরু করে।

অনুবাদ

সূত গোস্বামী বললেন—আমি আমার গুরুবর্গকে প্রণাম নিবেদন পূর্বক ব্রহ্মাদি মহান আচার্যবর্গ কর্তৃক বেদ এবং তত্ত্বশাস্ত্রে প্রদত্ত ভগবান শ্রীবিষ্ণুর ঐশ্বর্যের বর্ণনা আপনাদের কাছে পুনরাবৃত্তি করব।

শ্লোক ৫

মায়াদৈর্ঘ্যনবভিস্তত্বৈঃ স বিকারময়ো বিরাট্ ।

নির্মিতো দৃশ্যতে যত্র সচিৎকে ভুবনত্রয়ম্ ॥ ৫ ॥

মায়া-আদৈর্ঘ্যঃ—প্রকৃতির অব্যক্ত স্তর থেকে শুরু করে; নবভিঃ—নয়টি সহ; তত্বৈঃ—উপাদান; সঃ—সেই; বিকার-ময়ঃ—বিকার সহ (পঞ্চভূত এবং একাদশ ইন্দ্রিয়ের); বিরাট্—ভগবানের বিশ্বরূপ; নির্মিতঃ—নির্মিত; দৃশ্যতে—দৃষ্ট হয়; যত্র—যেখানে; স-চিৎকে—সচেতন হয়ে; ভুবন-ত্রয়ম্—ত্রিভুবন।

অনুবাদ

অব্যক্ত প্রকৃতি থেকে শুরু করে নয়টি মৌলিক উপাদান এবং তাদের পরবর্তী বিকারসমূহ পরমেশ্বর ভগবানের বিরাটরূপের অন্তর্ভুক্ত। এই বিরাটরূপে একবার চেতনা অনুপ্রবিষ্ট হওয়ার পর, তার মধ্যে ত্রিভুবন প্রকাশিত হল।

তাৎপর্য

সৃষ্টির নয়টি উপাদান হচ্ছে প্রকৃতি, সূত্র, মহৎ-তত্ত্ব, অহংকার, এবং পঞ্চতন্মাত্র। এদের বিকার হচ্ছে একাদশ ইন্দ্রিয় এবং পাঁচটি স্থূল জড় উপাদান তথা পঞ্চভূত।

শ্লোক ৬-৮

এতদ্বৈ পৌরুষং রূপং ভূঃ পাদৌ দ্যৌঃ শিরো নভঃ ।

নাভিঃ সূর্যোহক্ষিণী নাসে বায়ুঃ কর্ণৌ দিশঃ প্রভোঃ ॥ ৬ ॥

প্রজাপতিঃ প্রজননমপানো মৃত্যুরীশিতুঃ ।

তদ্বাহবো লোকপালা মনশ্চন্দ্রো ভ্রুবৌ যমঃ ॥ ৭ ॥

লজ্জাক্তরোহধরো লোভো দস্তা জ্যোৎস্না স্ময়ো ভ্রমঃ ।

রোমাণি ভূরুহা ভূম্নো মেঘাঃ পুরুষমূর্ধজাঃ ॥ ৮ ॥

এতৎ—এই; নৈ—প্রকৃতপক্ষে; পৌরুষম্—বিরাট পুরুষের; রূপম্—রূপ; ভূঃ—পৃথিবী; পাদৌ—তার চরণ; দ্যৌঃ—স্বর্গ; শিরঃ—মস্তক; নভঃ—আকাশ; নাভিঃ—তার নাভি; সূর্যঃ—সূর্য; অক্ষিণী—তার আঁখি; নাসে—তার নাসাগহ্বর; বায়ুঃ

—বায়ু; কর্ণো—তঁার কর্ণ; দিশঃ—দিকসমূহ; প্রভোঃ—পরম প্রভু ভগবানের; প্রজাপতিঃ—প্রজাপতি; প্রজননম্—তঁার জননেন্দ্রিয়; অপানঃ—তঁার পায়ু; মৃত্যুঃ—মৃত্যু; ঈশিতুঃ—পরম নিয়ন্তর; তৎ-বাহবঃ—তঁার বহু বাহু; লোক-পালাঃ—বিভিন্ন গ্রহের পালক দেবতাগণ; মনঃ—তঁার মন; লজ্জা—লজ্জা; উত্তরঃ—তঁার ওষ্ঠ; অধরঃ—তঁার অধর; লোভঃ—লোভ; দস্তাঃ—তঁার দন্তসমূহ; জ্যোৎস্না—চন্দ্রকিরণ; স্ময়ঃ—তঁার স্মিতহাস্য; ভ্রমঃ—বিভ্রম; রোমাণি—দেহের লোমসমূহ; ভূ-রুহাঃ—বৃক্ষসমূহ; ভূম্নঃ—সর্বশক্তিমান ভগবানের; মেঘাঃ—মেঘসমূহ; পুরুষ—বিরাট পুরুষের; মূৰ্ধ-জাঃ—মস্তকে জাত কেশরাশি।

অনুবাদ

এই হচ্ছে পরমেশ্বর ভগবানের বিরাট রূপ যার মধ্যে পৃথিবী হচ্ছে তঁার চরণযুগল, আকাশ তঁার নাভি, সূর্য তঁার চক্ষু, বায়ু তঁার নাসিকা গহ্বর, প্রজাপতিগণ তঁার জননেন্দ্রিয়, মৃত্যু তঁার পায়ু এবং চন্দ্র হচ্ছে তঁার মন। স্বর্গ তঁার মস্তক, দিকসমূহ তঁার কর্ণ, বিভিন্ন লোকপালগণ তঁার বিভিন্ন বাহু। যমরাজ তঁার ভ্রমযুগল, লজ্জা তঁার অধর, লোভ তঁার ওষ্ঠ, ভ্রম তঁার স্মিতহাস্য, এবং চন্দ্রকিরণ তঁার দন্তরাজি, যেখানে বৃক্ষ সমূহ তঁার রোম এবং মেঘপুঞ্জ তঁার মস্তকের কেশরাশি।

তাৎপর্য

জড় সৃষ্টির বিভিন্ন দিকসমূহ, যেমন পৃথিবী, সূর্য এবং বৃক্ষসমূহ ভগবানের বিরাটরূপের বিভিন্ন অঙ্গ প্রত্যঙ্গের দ্বারা ধৃত হয়ে আছে। এইভাবে এই শ্লোকের বর্ণনা অনুসারে, এদেরকে তঁার থেকে অভিন্ন বলে গণ্য করা হয়, যা হচ্ছে আমাদের ধ্যানের বিষয়।

শ্লোক ৯

যাবানয়ং বৈ পুরুষো যাবত্যা সংস্থয়া মিতঃ ।

তাবানসাবপি মহাপুরুষো লোকসংস্থয়া ॥ ৯ ॥

যাবান্—যতদূর; অয়ম্—এই; বৈ—বস্তুতপক্ষে; পুরুষঃ—সাধারণ ব্যক্তি; যাবত্যা—যতদূর পরিমাপ করা যায়; সংস্থয়া—তঁার অঙ্গ সংস্থান দ্বারা; মিতঃ—পরিমিত; তাবান্—ততদূর পর্যন্ত; অসৌ—তিনি; অপি—ও; মহাপুরুষঃ—দিব্য পুরুষ; লোক-সংস্থয়া—বিভিন্ন গ্রহপুঞ্জের সংস্থান অনুসারে।

অনুবাদ

ঠিক যেমন মানুষ এই জগতের কোন সাধারণ ব্যক্তির অঙ্গ সংস্থান পরিমাপ করে তঁার পরিমাণ নির্ধারণ করতে পারেন, ঠিক তেমনি বিরাটরূপের অন্তর্ভুক্ত গ্রহসংস্থান পরিমাপ করে মহাপুরুষের আয়তন নির্ধারণ করা যেতে পারে।

শ্লোক ১০

কৌন্তভব্যাপদেশেন স্বাত্মজ্যোতির্বিভর্ত্যজঃ ।

তৎ প্রভা ব্যাপিনী সাক্ষাচ্ছ্রীবৎসমুরসা বিভুঃ ॥ ১০ ॥

কৌন্তভ-ব্যাপদেশেন—কৌন্তভ মণি যার প্রতিভূ; স্ব-আত্ম—শুদ্ধ জীবাত্মার; জ্যোতিঃ—চিন্ময় জ্যোতি; বিভর্তি—বহন করে; অজঃ—জন্মরহিত ভগবান; তৎ-প্রভা—এর (কৌন্তভ মণির) প্রভা; ব্যাপিনী—ব্যাপক; সাক্ষাৎ—সাক্ষাৎ; শ্রীবৎসম্—শ্রীবৎস চিহ্নের; উরসা—তাঁর বক্ষের উপর; বিভুঃ—সর্বশক্তিমান।

অনুবাদ

সর্বশক্তিমান অজ পরমেশ্বর ভগবান তাঁর বক্ষে কৌন্তভ মণি ধারণ করেন, যা হচ্ছে শুদ্ধ জীবাত্মার প্রতিভূ। তাঁর সঙ্গে ধারণ করেন শ্রীবৎস চিহ্ন, যা হচ্ছে সেই মণিরই পরিব্যাপ্ত জ্যোতির সাক্ষাৎ প্রকাশ।

শ্লোক ১১-১২

স্বমায়াম্ বনমালাখ্যাম্ নানাগুণময়ীং দধৎ ।

বাসশ্ছন্দোময়ং পীতং ব্রহ্মসূত্রং ত্রিবৃৎ স্বরম্ ॥ ১১ ॥

বিভর্তি সাক্ষ্যং যোগং চ দেবো মকরকুণ্ডলে ।

মৌলিং পদং পারমেষ্ঠ্যং সর্বলোকাভয়ঙ্করম্ ॥ ১২ ॥

স্বমায়াম্—তাঁর স্বীয় জড়া শক্তি; বন-মালা-আখ্যাম্—তাঁর পুষ্পমালা যার প্রতিভূ; নানা-গুণ—জড়া প্রকৃতির বিচিত্র গুণের সমাহার; ময়ীম্—নির্মিত; দধৎ—ধারণ করে; বাসঃ—তাঁর বস্ত্র; ছন্দঃ-ময়ম্—বৈদিক ছন্দময়; পীতম্—হলুদ বর্ণ; ব্রহ্ম-সূত্রম্—তাঁর পবিত্র উপবীত; ত্রি-বৃৎ—তিন প্রকার; স্বরম্—পবিত্র স্বর ওঁকার; বিভর্তি—তিনি বহন করেন; সংখ্যাম্—সাংখ্য যোগের পন্থা; যোগম্—যোগপন্থা; চ—এবং; দেবঃ—ভগবান; মকর-কুণ্ডলে—তাঁর মকরাকৃতি কুণ্ডল; মৌলিম্—তাঁর মুকুট; পদম্—পদ; পারমেষ্ঠ্যম্—পরম (ব্রহ্মার); সর্ব-লোক—সর্ব জগতে; অভয়ম্—অভয়; করম্—যা দান করে।

অনুবাদ

তাঁর পুষ্পমালাটি হচ্ছে গুণ সমূহের বিচিত্র সমাহারে নির্মিত তাঁর জড়া প্রকৃতি। তাঁর পীত বসন হচ্ছে বৈদিক ছন্দ এবং তাঁর পবিত্র উপবীত হচ্ছে ত্রি অক্ষর বিশিষ্ট ওঁকার। তাঁর মকরাকৃতি কর্ণকুণ্ডলরূপে তিনি সাংখ্য ও যোগ মার্গকে ধারণ করেন এবং ত্রিজগতে অভয় প্রদানকারী তাঁর মুকুট হচ্ছে ব্রহ্মলোকের পরম পদ।

শ্লোক ১৩

অব্যাকৃতমনস্তাখ্যাসনং যদধিষ্ঠিতঃ ।

ধর্মজ্ঞানাদিভির্যুক্তং সত্ত্বং পদ্মমিহোচ্যতে ॥ ১৩ ॥

অব্যাকৃতম্—জড়া সৃষ্টির অব্যক্ত স্তর; অনন্ত আখ্যাম্—ভগবান অনন্তরূপে পরিচিত; আসনম্—তাঁর ব্যক্তিগত আসন; যৎ-অধিষ্ঠিতঃ—যার উপর তিনি অধিষ্ঠিত আছেন; ধর্ম-জ্ঞান-আদিভিঃ—ধর্ম, জ্ঞান প্রভৃতি সহ; যুক্তম্—সংযুক্ত; সত্ত্বম্—সত্ত্বগুণে; পদ্মম্—তাঁর পদ্ম; ইহ—এর উপর; উচ্যতে—বলা হয়।

অনুবাদ

ভগবানের আসন অনন্ত হচ্ছে জড়া প্রকৃতির অব্যক্ত স্তর এবং তাঁর পদ্ম সদৃশ মুকুট হচ্ছে ধর্ম জ্ঞান সমন্বিত সত্ত্বগুণ।

শ্লোক ১৪-১৫

ওজঃসহোবলযুতং মুখ্যতত্ত্বং গদাং দধৎ ।

অপাং তত্ত্বং দরবরং তেজস্তত্ত্বং সুদর্শনম্ ॥ ১৪ ॥

নভোনিভং নভস্তত্ত্বমসিং চর্ম তমোময়ম্ ।

কালরূপং ধনুঃ শার্ঙ্গং তথা কর্মময়েষুধিম্ ॥ ১৫ ॥

ওজঃ-সহঃ-বল—দেহ, মন ও ইন্দ্রিয় শক্তির দ্বারা; যুতম্—সংযুত; মুখ্য-তত্ত্বম্—প্রধান উপাদান বায়ু, যা হচ্ছে জড় দেহের জীবনী শক্তি; গদাম্—গদা; দধৎ—ধারণ করেন; অপাম্—জলের; তত্ত্বম্—উপাদান; দর—তাঁর শঙ্খ; বরম্—উৎকৃষ্ট; তেজঃ-তত্ত্বম্—তেজ উপাদান; সুদর্শনম্—তাঁর সুদর্শন চক্র; নভোঃ-নিভম্—ঠিক আকাশের মতো; নভঃ-তত্ত্বম্—বোম তত্ত্ব; অসিম্—তাঁর তালোয়ার; চর্ম—তাঁর বর্ম; তমঃ-ময়ম্—তমোগুণে নির্মিত; কালরূপম্—কালরূপে প্রতিষ্ঠিত; ধনুঃ—তাঁর ধনুক; শার্ঙ্গম্—শার্ঙ্গ নামে; তথা—এবং; কর্ম-ময়—সক্রিয় ইন্দ্রিয়সমূহের প্রতিভূ; ইষু-ধিম্—তাঁর তীর ধারণকারী তুণীর।

অনুবাদ

ভগবান যে গদা ধারণ করেন তা হচ্ছে দৈহিক, মানসিক এবং ইন্দ্রিয় বল সংযুত মুখ্য তত্ত্ব প্রাণ। তাঁর উৎকৃষ্ট শঙ্খা হচ্ছে অপ তত্ত্ব, তাঁর সুদর্শন চক্র হচ্ছে তেজ তত্ত্ব, এবং আকাশের মতো নির্মল তাঁর অসি হচ্ছে বোম তত্ত্ব। তাঁর বর্ম হচ্ছে তমোগুণের মূর্ত প্রকাশ তাঁর শার্ঙ্গ ধনু কালের প্রকাশ এবং তাঁর তীরসমূহে পরিপূর্ণ তুণীর হচ্ছে কর্মেন্দ্রিয় তত্ত্ব।

শ্লোক ১৬

ইন্দ্রিয়ানি শরানাহরাকৃতীরস্য স্যন্দনম্ ।

তন্মাত্রাণ্যস্যাভিব্যক্তিং মুদ্রার্থক্রিয়াত্বতাম্ ॥ ১৬ ॥

ইন্দ্রিয়ানি—ইন্দ্রিয়সমূহ; শরান্—তীর তীরসমূহ; আহঃ—তীরা বলেন; আকৃতীঃ—সক্রিয় (মন); অস্যা—তীর; স্যন্দনম্—রথ; তৎ-মাত্রাণি—তন্মাত্র তথা ইন্দ্রিয়ানুভূতির বিষয়; অস্যা—তীর; অভিব্যক্তিং—বাহ্য প্রকাশ; মুদ্রা—তীর হস্ত মুদ্রার দ্বারা (বর এবং অভয় প্রভৃতি প্রদানকারী মুদ্রা); অর্থ-ক্রিয়া-আত্মতাম্—উদ্দেশ্যপূর্ণ কর্মের সার।

অনুবাদ

তীর তীর সমূহকে ইন্দ্রিয় বলা হয়। তীর রথ হচ্ছে সক্রিয় ও প্রবল মন। তীর বাহ্য অভিব্যক্তি হচ্ছে ইন্দ্রিয়ানুভূতির সূক্ষ্ম বিষয় তথা তন্মাত্র এবং তীর হস্তমুদ্রা হচ্ছে সমস্ত উদ্দেশ্যপূর্ণ কর্মের সারাংশ।

তাৎপর্য

সমস্ত কর্মের পরম উদ্দেশ্য হচ্ছে জীবনের পরম পূর্ণতা প্রাপ্তি এবং ভগবানের কৃপাময় হস্তে এই পূর্ণতা প্রদত্ত হয়। ভগবানের মুদ্রাসমূহ তীর ভক্তের হৃদয় থেকে সমস্ত ভয় দূর করে এবং চিদাকাশে তাঁকে ভগবানের স্বীয় পার্যদের গুরে উন্নীত করে।

শ্লোক ১৭

মণ্ডলং দেবযজনং দীক্ষা সংস্কার আত্মনঃ ।

পরিচর্যা ভগবত আত্মনো দুরিতক্ষয়ঃ ॥ ১৭ ॥

মণ্ডলম্—সূর্য মণ্ডল; দেব-যজনম্—যে স্থানে পরমেশ্বর ভগবান পূজিত হন; দীক্ষা—দীক্ষা; সংস্কারঃ—সংস্কার; আত্মনঃ—আত্মার জন্য; পরিচর্যা—ভক্তিমূলক সেবা; ভগবতঃ—পরমেশ্বর ভগবানের; আত্মনঃ—জীবাত্মার; দুরিত—পাপের প্রতিফল; ক্ষয়ঃ—ক্ষয়।

অনুবাদ

সূর্য মণ্ডল হচ্ছে সেই স্থান যেখানে পরমেশ্বর পূজিত হন, দীক্ষা হচ্ছে জীবাত্মার শুদ্ধির উপায় এবং পরমেশ্বর ভগবানকে ভক্তিমূলক সেবা দান করা হচ্ছে মানুষের সমস্ত পাপের প্রতিফলকে নির্মূল করার উপায়।

তাৎপর্য

মানুষের কর্তব্য ভগবানের আরাধনার স্থান রূপে তেজোময় সূর্য মণ্ডলের ধ্যান করা। ভগবান শ্রীকৃষ্ণ হচ্ছেন সমস্ত তেজের আশ্রয় এবং তাই জ্যোতির্ময় সূর্যমণ্ডলে যথাযথভাবে তাঁর আরাধনা হওয়াই যুক্তিযুক্ত।

শ্লোক ১৮

ভগবান্ ভগশকার্থং লীলাকমলমুদ্বহন্ ।

ধর্মং যশশ্চ ভগবাংশ্চামরব্যজনেহভজৎ ॥ ১৮ ॥

ভগবান্—পরমেশ্বর ভগবান; ভগ-শব্দ—ভগ শব্দের; অর্থম্—অর্থ (যেমন ঐশ্বর্য); লীলা-কমলম্—তাঁর লীলা কমল; উদ্বহন্—বহন করে; ধর্মম্—ধর্ম; যশঃ—খ্যাতি; চ—এবং; ভগবান্—পরমেশ্বর ভগবান; চামর-ব্যজনে—চামর যুগল; অভজৎ—গ্রহণ করেছে।

অনুবাদ

ভগ শব্দে নির্দেশিত বিচিত্র ঐশ্বর্যের প্রতিভূস্বরূপ একটি লীলাকমল ধারণ করে পরমেশ্বর ভগবান ধর্ম এবং যশ স্বরূপ চামর যুগলের সেবা গ্রহণ করে থাকেন।

শ্লোক ১৯

আতপত্রং তু বৈকুণ্ঠং দ্বিজা ধামাকুতোভয়ম্ ।

ত্রিবৃদ্ধেদঃ সুপর্ণাখ্যা যজ্ঞঃ বহতি পুরুষম্ ॥ ১৯ ॥

আতপত্রম্—তাঁর ছত্র; তু—এবং; বৈকুণ্ঠম্—তাঁর চিন্ময় ধাম বৈকুণ্ঠ; দ্বিজাঃ—হে ব্রাহ্মণগণ; ধাম—তাঁর স্বীয় ধাম, চিজ্জগৎ; অকুতঃ-ভয়ম্—অকুতোভয়; ত্রিবৃৎ—তিন প্রকার; বেদঃ—বেদ; সুপর্ণাখ্যাঃ—সুপর্ণ বা গরুড় নামক; যজ্ঞম্—যজ্ঞ পুরুষ; বহতি—বহন করে; পুরুষম্—পরমেশ্বর ভগবান।

অনুবাদ

হে ব্রাহ্মণগণ, ভগবানের ছত্র হচ্ছে তাঁর চিন্ময় ধাম তথা বৈকুণ্ঠ যেখানে কোন ভয় নেই এবং যজ্ঞপুরুষের বাহন গরুড় হচ্ছে তিন প্রকার বেদ।

শ্লোক ২০

অনপায়িনী ভগবতী শ্রীঃ সাক্ষাদাত্মনো হরেঃ ।

বিষুকসেনস্তম্ভমূর্তিবিদিতঃ পার্শ্বদাধিপঃ ।

নন্দাদয়োহষ্টৌ দ্বাঃশ্চ তেহণিমা দ্যা হরেণ্ডণাঃ ॥ ২০ ॥

অনপায়িনী—অবিচ্ছেদ্য; ভগবতী—লক্ষ্মীদেবী; শ্রীঃ—শ্রী; সাক্ষাৎ—সাক্ষাৎ; আত্মনঃ—অন্তরঙ্গ প্রকৃতির; হরেঃ—শ্রীহরির; বিশ্বক্সেনঃ—বিশ্বক্সেন; তত্ত্ব-মূর্তিঃ—তত্ত্ব শাস্ত্রের মূর্ত বিগ্রহ; বিদিতঃ—জ্ঞাত হয়; পার্শদ-অধিপঃ—তাঁর পার্শদ প্রধান; নন্দ-আদয়ঃ—নন্দ আদি; অষ্টৌ—আট; দ্বাঃ-স্থাঃ—দ্বার রক্ষক; চ—এবং; তে—তারা; অগ্নিমা-আদ্যাঃ—অগ্নিমা এবং অন্যান্য যোগসিদ্ধি; হরেঃ—পরমেশ্বর শ্রীহরির; গুণাঃ—গুণ সকল।

অনুবাদ

সৌভাগ্যের অধিষ্ঠাত্রী দেবী লক্ষ্মী যিনি কখনই ভগবানকে পরিত্যাগ করেন না, তিনি এই জগতে তাঁর অন্তরঙ্গশক্তির প্রতিভূরূপে তাঁর সঙ্গে আবির্ভূত হন। তাঁর অন্তরঙ্গ পার্শদদের প্রধান বিশ্বক্সেন পঞ্চরাত্র এবং অন্যান্য তত্ত্বের মূর্ত বিগ্রহ রূপে পরিচিত। আর নন্দ প্রমুখ ভগবানের আটজন দ্বার রক্ষক হচ্ছেন তাঁর অগ্নিাদি যোগসিদ্ধি।

তাৎপর্য

শ্রীল জীব গোস্বামীর সিদ্ধান্ত অনুসারে সৌভাগ্যের অধিষ্ঠাত্রী লক্ষ্মীদেবী হচ্ছেন সমস্ত জড় ঐশ্বর্যের মূল উৎস। জড়া প্রকৃতি প্রত্যক্ষভাবে ভগবানের নিকৃষ্টা শক্তি মহামায়ার দ্বারা নিয়ন্ত্রিত হয়, যেখানে সৌভাগ্যের অধিষ্ঠাত্রী লক্ষ্মীদেবী হচ্ছেন তাঁর অন্তরঙ্গ তথা উৎকৃষ্টা শক্তি। তা সত্ত্বেও, ভগবানের নিকৃষ্টা প্রকৃতির ঐশ্বর্যের মূল উৎস লক্ষ্মীদেবীর পরম চিদৈশ্বর্যের মধ্যেই নিহিত রয়েছে। যে কথা শ্রীহয়শীর্ষ পঞ্চরাত্রে উল্লেখ করা হয়েছে—

পরমাত্মা হরিদেবস্তচ্ছক্তিঃ শ্রীইহোদিতা ।

শ্রীদেবী প্রকৃতিঃ প্রোক্তা কেশবঃ পুরুষঃ স্মৃতঃ ।

ন বিবুজ্জা বিনা দেবী ন হরিঃ পদ্মজাং বিনা ॥

“পরমাত্মা হচ্ছেন ভগবান শ্রীহরি এবং তাঁর শক্তি এই জগতে শ্রীরূপে পরিচিত। ভগবতী লক্ষ্মী প্রকৃতিরূপে পরিচিত এবং পরমেশ্বর ভগবান শ্রীকেশব পুরুষরূপে পরিচিত। ভগবতী শ্রীদেবী কখনই তাঁকে ছাড়া থাকেন না। এবং ভগবান শ্রীহরিও পদ্মজাকে ছাড়া কখনই আবির্ভূত হন না।”

শ্রীবিষ্ণুপুরাণেও (১/৮/১৫) বলা হয়েছে—

নিত্যৈব সা জগন্মাতা বিষ্ণোঃ শ্রীরনপায়িনী ।

যথা সর্বগতো বিষ্ণুস্তথৈবেয়ং দ্বিজোত্তমাঃ ॥

“তিনিই নিত্য জগন্মাতা, ভগবান শ্রীবিষ্ণুর অবিচ্ছেদ্য শ্রীদেবী। হে দ্বিজোত্তমগণ,

ভগবান শ্রীবিষ্ণু যেমন সর্বগত তিনিও তেমনি সর্বগত।” বিষ্ণুপুরাণে (১/৯/১৪০) আরও উল্লেখ আছে—

এবং যথা জগৎ-স্বামী দেবদেবো জনার্দনঃ ।

অবতারং করোত্যেব তথা শ্রীকৃৎসহায়িনী ॥

“এইভাবে, জগৎস্বামী দেব-দেব জনার্দন যেভাবে এই জগতে অবতীর্ণ হন, ঠিক সেইভাবে তাঁর সহায়িনী লক্ষ্মীদেবীও অবতীর্ণ হন।”

লক্ষ্মীদেবীর বিশুদ্ধ চিন্ময় স্থিতি সম্পর্কে স্কন্দপুরাণেও বর্ণনা করা হয়েছে—

অপরং ভ্রুঅক্ষরং যা সা প্রকৃতির্জড়-রূপিকা ।

শ্রীঃ পরা প্রকৃতিঃ প্রোক্তা চেতনা বিষ্ণু-সংশ্রয়া ॥

তৎ অক্ষরং পরং গ্রাহঃ পরতঃ পরম্ অক্ষরম্ ।

হরিরেবাখিল-গুণোহ্যাক্ষরত্রয়মীরিতম্ ॥

“নিকৃষ্ট অক্ষর সত্তা হচ্ছেন সেই প্রকৃতি যিনি এই জড় জগৎরূপে প্রকাশিত। অপর পক্ষে, লক্ষ্মীদেবী উৎকৃষ্টা প্রকৃতিরূপে পরিচিত। তিনি হচ্ছেন বিশুদ্ধ চেতনা এবং প্রত্যক্ষভাবে ভগবান শ্রীবিষ্ণুর আশ্রিত। যদিও তাঁকে উৎকৃষ্টা অক্ষর সত্তা বলা হয়, তবুও যিনি মহত্তম থেকেও মহত্তর, সেই অক্ষর সত্তাই হচ্ছেন সমস্ত দিব্য গুণের মূল অধীশ্বর শ্রীহরি স্বয়ং। এইভাবে তিনটি স্বতন্ত্র অক্ষর সত্তার বর্ণনা করা হয়েছে।”

এইরূপে, ভগবানের নিকৃষ্টা শক্তি যদিও তাঁর কার্যক্ষেত্রে অক্ষর, তবুও ক্ষণস্থায়ী মায়িক ঐশ্বর্য প্রকাশে তাঁর শক্তি পরমেশ্বর ভগবানের স্থায়ী সঙ্গিনী তথা অন্তরঙ্গা শক্তি শ্রীলক্ষ্মীদেবীর কৃপাতেই অস্তিত্বশীল হয়ে থাকে।

পদ্মপুরাণে (২৫৬/৯-২১) ভগবানের আঠারো জন দ্বাররক্ষকের নাম উল্লেখ আছে। তাঁরা হচ্ছেন—নন্দ, সুন্দ, জয়, বিজয়, চণ্ড, প্রচণ্ড, ভদ্র, সুভদ্র, ধাতা, বিধাতা, কুমুদ, কুমুদাক্ষ, পুণ্ডরীক্ষ, বামন, শঙ্কুকর্ণ, সর্বনেত্র, সুমুখ এবং সুপ্রতিষ্ঠিত।

শ্লোক ২১

বাসুদেবঃ সংকর্ষণঃ প্রদ্যুম্নঃ পুরুষঃ স্বয়ম্ ।

অনিরুদ্ধ ইতি ব্রহ্মমূর্তিব্যাহোহভিধীয়তে ॥ ২১ ॥

বাসুদেবঃ সংকর্ষণঃ প্রদ্যুম্নঃ—বাসুদেব, সংকর্ষণ এবং প্রদ্যুম্ন; পুরুষঃ—পরমেশ্বর ভগবান; স্বয়ম্—স্বয়ং; অনিরুদ্ধঃ—অনিরুদ্ধ; ইতি—এইরূপে; ব্রহ্মন্—হে ব্রাহ্মণ, শৌনক; মূর্তি-ব্যাহঃ—সবিশেষ ব্যক্তিরূপের বিস্তার; অভিধীয়তে—আখ্যাত হয়।

অনুবাদ

হে ব্রাহ্মণ শৌনক, বাসুদেব, সংকর্ষণ, প্রদ্যুম্ন এবং অনিরুদ্ধ হচ্ছে স্বয়ং পরমেশ্বর ভগবানের সবিশেষ ব্যক্তিরূপের প্রত্যক্ষ বিস্তারের নাম।

শ্লোক ২২

স বিশ্বৈস্তৈজসঃ প্রাজ্ঞস্তুরীয় ইতি বৃত্তিভিঃ ।

অথৈন্দ্রিয়াশয়জ্ঞানৈর্ভগবান্ পরিভাব্যতে ॥ ২২ ॥

সঃ—তিনি; বিশ্বঃ তৈজসঃ প্রাজ্ঞঃ—জাগ্রত চেতনা, নিদ্রা এবং সুষুপ্তির প্রকাশ; তুরীয়ঃ—চতুর্থ তথা দিব্য স্তর; ইতি—এইরূপে আখ্যাত; বৃত্তিভিঃ—কার্যের মাধ্যমে; অর্থ—ইন্দ্রিয়ানুভবের বাহ্য বিষয়ের দ্বারা; ইন্দ্রিয়—মন; আশয়—আবৃত চেতনা; জ্ঞানৈঃ—এবং চিন্ময় জ্ঞান; ভগবান্—পরমেশ্বর ভগবান্; পরিভাব্যতে—পরিভাবিত হয়।

অনুবাদ

বাহ্যবিষয়, মন এবং জড়বুদ্ধির মাধ্যমে ক্রিয়াশীল জাগ্রত চেতনা, নিদ্রা এবং সুষুপ্তির পরিপ্রেক্ষিতে এবং চেতনার চতুর্থ স্তর তথা বিশুদ্ধ জ্ঞানময় দিব্যস্তরের পরিপ্রেক্ষিতেও মানুষ পরমেশ্বর ভগবান সম্পর্কে ভাবনা করতে পারেন।

শ্লোক ২৩

অঙ্গোপাঙ্গাযুধাকল্লৈর্ভগবাংস্তচ্চতুষ্টয়ম্ ।

বিভর্তি স্ম চতুর্মূর্তির্ভগবান্ হরিরীশ্বরঃ ॥ ২৩ ॥

অঙ্গ— তাঁর প্রধান অঙ্গ; উপাঙ্গ—গৌণ অঙ্গ; আযুধ—অস্ত্র; আকল্লৈঃ—অলংকার; ভগবান্—পরমেশ্বর ভগবান্; তৎ-চতুষ্টয়ম্—এই চার প্রকার প্রকাশ (বিশ্ব, তৈজস, প্রাজ্ঞ এবং তুরীয়েয়); বিভর্তি—পালন করেন; স্ম—বস্তুতপক্ষে; চতুঃ-মূর্তিঃ—তাঁর চার প্রকার সবিশেষ ব্যক্তিরূপে (বাসুদেব, সংকর্ষণ, প্রদ্যুম্ন এবং অনিরুদ্ধ); ভগবান্—ভগবান্; হরিঃ—শ্রীহরি; ঈশ্বরঃ—পরম নিয়ন্তা।

অনুবাদ

এইরূপে পরমেশ্বর ভগবান শ্রীহরি চতুর্বিধ সবিশেষ ব্যক্তিরূপে প্রকাশিত হন যাঁদের প্রত্যেকে ভগবানের অঙ্গ, উপাঙ্গ, অস্ত্র এবং অলংকার প্রদর্শন করে থাকেন। এই সকল পৃথক বৈশিষ্ট্যের মাধ্যমে ভগবান এই অস্তিত্বশীল জগতের চারটি স্তরকে পালন করেন।

তাৎপর্য

ভগবানের চিন্ময় দেহ, অস্ত্র, অলংকার এবং পার্শ্বদ—সকলেই হচ্ছেন বিশুদ্ধ চিন্ময় সত্তা এবং তাঁর থেকে অভিন্ন।

শ্লোক ২৪

দ্বিজঋষভ স এষ ব্রহ্মযোনিঃ স্বয়ংদৃক্

স্বমহিমপরিপূর্ণো মায়য়া চ স্বয়ৈতৎ ।

সৃজতি হরতি পাতিত্যাখ্যানাবৃতাক্ষো

বিবৃত ইব নিরুক্তস্তৎ পটৈরাশ্বলভ্যঃ ॥ ২৪ ॥

দ্বিজ-ঋষভ—হে শ্রেষ্ঠ ব্রাহ্মণগণ; সঃ এষঃ—একমাত্র তিনিই; ব্রহ্ম-যোনিঃ—বেদের উৎস; স্বয়ং-দৃক্—স্বয়ং উদ্ভাসিত; স্ব-মহিম—তাঁর স্বীয় মহিমায়; পরিপূর্ণঃ—পরিপূর্ণ; মায়য়া—জড়া শক্তির দ্বারা; চ—এবং; স্বয়া—তাঁর নিজের; এতৎ—এই ব্রহ্মাণ্ড; সৃজতি—তিনি সৃষ্টি করেন; হরতি—সংবরণ করেন; পাতি—পালন করেন; ইতি আখ্যা—এরকম ধারণা করা হয়; অনাবৃত—অনাবৃত; অক্ষঃ—তাঁর দিব্য চেতনা; বিবৃতঃ—জড় জাগতিকভাবে বিভক্ত; ইব—যেন; নিরুক্তঃ—বর্ণিত; তৎ-পটৈঃ—তাঁর তৎপর ভক্তগণের দ্বারা; আশ্ব—তাঁদের আত্মারূপে; লভ্যঃ—উপলব্ধি যোগ্য।

অনুবাদ

হে ব্রাহ্মণ-শ্রেষ্ঠ, একমাত্র তিনিই হচ্ছেন স্বয়ং-জ্যোতির্ময়, বেদের আদি উৎস, এবং তাঁর স্বীয় মহিমায় পরিপূর্ণ। তাঁর জড়া শক্তির মাধ্যমে তিনি সমগ্র ব্রহ্মাণ্ডকে সৃষ্টি করেন, ধ্বংস করেন এবং পালন করেন। যেহেতু তিনি বিভিন্ন জড় জাগতিক কার্য অনুষ্ঠান করেন, কখনও কখনও তাঁকে জড় জাগতিকভাবে বিভক্ত বলে বর্ণনা করা হয়। কিন্তু তা সত্ত্বেও সর্বদাই তিনি বিশুদ্ধ জ্ঞানে চিন্ময় স্তরে স্থিত আছেন। যাঁরা তাঁর প্রতি ভক্তিতে তৎপর, তাঁরাই তাঁকে তাঁদের প্রকৃত পরমাত্মারূপে উপলব্ধি করতে পারেন।

তাৎপর্য

শ্রীল বিশ্বনাথ চক্রবর্তী ঠাকুর মন্তব্য করেন যে আমরা যেন নিম্নোক্ত কথাগুলির ধ্যান অভ্যাস করে বিনীত হতে পারি—“আমার সম্মুখে সর্বদাই প্রকট এই যে পৃথিবী, তিনি আমার প্রভুর চরণ কমলেরই বিস্তার, যাকে সর্বদাই ধ্যান করা উচিত। সমস্ত স্থাবর ও জঙ্গম জীব এই পৃথিবীর আশ্রয় গ্রহণ করেছেন এবং এইভাবে আমার প্রভুর চরণ কমলে আশ্রয় নিয়েছেন। এই কারণে সমস্ত জীবকেই আমার

শ্রদ্ধা করা উচিত এবং কাউকেই ঈর্ষা করা উচিত নয়। বস্তুতপক্ষে, সমস্ত জীবই আমার প্রভুর বক্ষের কৌমুদ্য মণিটি গঠন করেছে। তাই কোনও জীবকেই কখনই আমার ঈর্ষা বা অবজ্ঞা করা উচিত নয়।” এইরূপ ধ্যানের অভ্যাস করে মানুষ জীবনে সাফল্য লাভ করতে পারে।

শ্লোক ২৫

শ্রীকৃষ্ণ কৃষ্ণসখ বৃষ্ণিষভাবনিধ্বংস-

রাজন্যবংশদহনানপবর্গবীর্য ।

গোবিন্দ গোপবনিতব্রজভূত্যগীত-

তীর্থশ্রবঃ শ্রবণমঙ্গল পাহি ভূত্যান্ ॥ ২৫ ॥

শ্রীকৃষ্ণ—হে শ্রীকৃষ্ণ; কৃষ্ণ-সখ—হে অর্জুনের সখা; বৃষ্ণি—বৃষ্ণি বংশোদ্ভূত; ঋষভ—হে মুখ্য; অবনি—পৃথিবীতে; ধ্রুব—বিদ্রোহী; রাজন্য-বংশ—রাজন্য বংশের; দহন—হে ধ্বংসকারী; অনপবর্গ—ক্ষয় রহিত; বীর্য—যার বীর্য; গোবিন্দ—হে গোলোক ধামের অধীশ্বর; গোপ—গোপজনদের; বনিতা—গোপীদের; ব্রজ—বহুগুণ; ভূত্য—তাদের ভূত্যদের দ্বারা; গীত—গীত; তীর্থ—পবিত্রতম তীর্থের মতোই পুণ্যময়; শ্রবঃ—যাঁর মহিমা; শ্রবণ—যাঁর কথা শুধু শ্রবণ করা; মঙ্গল—মঙ্গলময়; পাহি—অনুগ্রহ করে রক্ষা করুন; ভূত্যান্—ভূতাদের।

অনুবাদ

হে কৃষ্ণ, হে অর্জুন-সখা, হে বৃষ্ণি ঋষভ, যে সমস্ত রাজনৈতিক দল এই পৃথিবীর উপদ্রবস্বরূপ, আপনি তাদের সংহার কর্তা। আপনার বীর্য কখনই ক্ষয়প্রাপ্ত হয় না। আপনিই দিব্য ধামের অধীশ্বর। বৃন্দাবনের গোপগোপী এবং তাদের ভূত্যবর্গ কর্তৃক গীত আপনার অতি পবিত্র মহিমা কীর্তন শুধুমাত্র শ্রবণ করলেই সর্বতোভাবে কল্যাণ হয়। হে ভগবান, অনুগ্রহ করে আপনার ভক্তদের রক্ষা করুন।

শ্লোক ২৬

য ইদং কল্য উখায় মহাপুরুষলক্ষণম্ ।

তচ্চিত্তঃ প্রযতো জপ্তা ব্রহ্ম বেদ গুহ্যশয়ম্ ॥ ২৬ ॥

যঃ—যে কেউ; ইদম্—এই; কল্যে—ভোর বেলায়; উখায়—উখিত হয়ে; মহাপুরুষ-লক্ষণম্—বিশ্বরূপে পরমেশ্বর ভগবানের লক্ষণ; তৎ-চিত্তঃ—তদ্বৎ চিত্ত; প্রযতঃ—পবিত্র; জপ্তা—নিজে জপ করে; ব্রহ্ম—পরম সত্য; বেদ—তিনি জানতে পারেন; গুহ্যশয়ম্—হৃদয়ে স্থিত।

অনুবাদ

যে কেউ ভোর বেলায় উত্থিত হয়ে বিশুদ্ধ চিত্তে মহাপুরুষের ধ্যানে সমাহিত হয়ে শান্তভাবে তাঁর এই সমস্ত লক্ষণ বর্ণনা কীর্তন করবেন, তিনি তাঁকে হৃদয়ে অবস্থানকারী পরম সত্যরূপে উপলব্ধি করতে পারবেন।

শ্লোক ২৭-২৮

শ্রীশৌনক উবাচ

শুকো যদাহ ভগবান্ বিষ্ণুরাতায় শৃণ্বতে ।

সৌরো গণো মাসি মাসি নানা বসতি সপ্তকঃ ॥ ২৭ ॥

তেষাং নামানি কৰ্মাণি নিযুক্তানামধীশ্বরৈঃ ।

ব্রহ্মি নঃ শ্রদ্ধাধানানাং ব্যুহং সূর্য্যাত্মনো হরেঃ ॥ ২৮ ॥

শ্রী-শৌনকঃ উবাচ—শ্রীশৌনক বললেন; শুকঃ—শুকদেব গোস্বামী; যৎ—যা; আহ—বর্ণিত; ভগবান্—মহামুনি; বিষ্ণু-রাতায়—মহারাজ পরীক্ষিতকে; শৃণ্বতে—যিনি শ্রবণ করছিলেন; সৌরঃ—সূর্যদেবের; গণঃ—পার্বদগণ; মাসি মাসি—প্রতি মাসে; নানা—বিচিত্র; বসতি—যিনি বাস করেন; সপ্তকঃ—সাত জনের দল; তেষাম্—তাদের; নামানি—নামসমূহ; কৰ্মাণি—কর্মসমূহ; নিযুক্তানাম্—যারা নিযুক্ত; অধীশ্বরৈঃ—তাঁদের নিয়ন্তা সূর্যদেবের বিচিত্র বৈশিষ্ট্যের দ্বারা; ব্রহ্মি—অনুগ্রহ করে বলুন; নঃ—আমাদেরকে; শ্রদ্ধাধানানাম্—যারা শ্রদ্ধাশীল; ব্যুহম্—ব্যক্তিগত বিস্তার; সূর্য্য-আত্মনঃ—সূর্যদেব রূপে তাঁর ব্যক্তিগত বিস্তার; হরেঃ—পরমেশ্বর ভগবান শ্রীহরি।

অনুবাদ

শ্রীশৌনক বললেন—আপনার বাক্যে শ্রদ্ধাশীল আমাদের কাছে অনুগ্রহপূর্বক প্রতি মাসে প্রদর্শিত সূর্যদেবের বিভিন্ন ব্যক্তিগত পার্বদ সপ্তকদের কথা তাঁদের নাম এবং কার্যাবলী সহ বর্ণন করুন। সূর্যদেবের সেবক তথা পার্বদগণ হচ্ছেন সূর্যের অধিদেবতারূপে পরমেশ্বর ভগবান শ্রীহরির স বিশেষ ব্যক্তিরূপের বিস্তার।

তাৎপর্য

মহারাজ পরীক্ষিত এবং শুকদেব গোস্বামীর মহিমান্বিত সংলাপের বর্ণনা শ্রবণ করার পর শৌনক মুনি এবার পরমেশ্বর ভগবানের বিস্তাররূপে সূর্যদেব সম্পর্কে অনুসন্ধান করলেন। সূর্য যদিও সমস্ত গ্রহের রাজা, তবুও শ্রীশৌনক ঋষি পরমেশ্বর ভগবান শ্রীহরির বিস্তাররূপেই এই জ্যোতির্ময় মণ্ডল সম্পর্কে বিশেষভাবে আগ্রহী হয়েছেন।

সূর্যের সঙ্গে সম্পর্কিত ব্যক্তিগণ সাতটি দলে বিভক্ত। সূর্যের কক্ষপথ পরিভ্রমণকালে বারটি মাস রয়েছে এবং প্রতিটি মাসে ভিন্ন ভিন্ন সূর্যদেব এবং তাঁর ছয় জন পার্শ্বদের পৃথক দল আধিপত্য করে থাকেন। বৈশাখ থেকে শুরু করে বারটি মাসের প্রত্যেকটিতে স্বয়ং সূর্যদেবের পৃথক পৃথক নাম আছে এবং ঋষি, যজ্ঞ, গন্ধর্ব, অঙ্গরা, রাক্ষস ও নাগগণ মিলে সর্বমোট সাতটি দলের সৃষ্টি করেন।

শ্লোক ২৯

সূত উবাচ

অনাদ্যবিদ্যায়া বিষ্ণোরাত্মনঃ সর্বদেহিনাম্ ।

নির্মিতো লোকতত্ত্বোহয়ং লোকেষু পরিবর্ততে ॥ ২৯ ॥

সূতঃ উবাচ—সূত গোস্বামী বললেন; অনাদি—অনাদি; অবিদ্যায়া—অবিদ্যা শক্তির দ্বারা; বিষ্ণোঃ—ভগবান শ্রীবিষ্ণুর; আত্মনঃ—পরমাত্মা; সর্ব-দেহিনাম্—সমস্ত দেহধারী জীবের; নির্মিতঃ—উৎপন্ন; লোক-তত্ত্বঃ—গ্রহ সমূহের নিয়ন্তা; অয়ম্—এই; লোকেষু—গ্রহদের মধ্যে; পরিবর্ততে—ভ্রমণ করেন।

অনুবাদ

সূত গোস্বামী বললেন—সূর্য সমস্ত গ্রহদের মধ্যে পরিভ্রমণ করেন এবং এইভাবে তাদের গতিকে নিয়ন্ত্রণ করেন। সমস্ত জীবের পরমাত্মা পরমেশ্বর ভগবান শ্রীবিষ্ণু তাঁর অনাদি জড়া শক্তির মাধ্যমে এই সূর্যকে সৃষ্টি করেছেন।

শ্লোক ৩০

এক এব হি লোকানাং সূর্য আত্মাদিকৃষ্ণরিঃ ।

সর্ববেদক্রিয়ামূলমৃষিভির্বহুধোদিতঃ ॥ ৩০ ॥

একঃ—এক; এব—ওধু; হি—বস্তুতপক্ষে; লোকানাং—জগতের; সূর্যঃ—সূর্য; আত্মা—তাদের আত্মা; আদি-কৃষ্ণ—আদি স্রষ্টা; হরিঃ—পরমেশ্বর ভগবান শ্রীহরি; সর্ব-বেদ—সমস্ত বেদে; ক্রিয়া—আনুষ্ঠানিক ক্রিয়া; মূলম্—ভিত্তি; ঋষিভিঃ—ঋষিদের দ্বারা; বহুধা—বহুভাবে; উদিতঃ—আখ্যাত।

অনুবাদ

পরমেশ্বর ভগবান শ্রীহরি থেকে অভিন্ন সূর্যদেব সমস্ত জগতের একমাত্র আত্মা এবং তিনিই তাদের আদি স্রষ্টা। বেদে নির্দেশিত সমস্ত আনুষ্ঠানিক ক্রিয়ারও উৎস হচ্ছেন তিনি এবং বৈদিক ঋষিগণ তাঁকে নানা নামে ভূষিত করেন।

শ্লোক ৩১

কালো দেশঃ ক্রিয়া কর্তা করণং কার্যমাগমঃ ।

দ্রব্যং ফলমিতি ব্রহ্মন্ নবধোক্তোহজয়া হরিঃ ॥ ৩১ ॥

কালঃ—কাল; দেশঃ—স্থান; ক্রিয়া—প্রচেষ্টা; কর্তা—কর্তা; করণম্—করণ; কার্যম্—বিশেষ আনুষ্ঠানিক ক্রিয়া; আগমঃ—শাস্ত্র; দ্রব্যম্—দ্রব্য; ফলম্—ফল; ইতি—এইরূপে; ব্রহ্মন্—হে ব্রাহ্মণ, শৌনক; নবধা—নয় প্রকার; উক্তঃ—বর্ণিত; অজয়া—জড়া শক্তির পরিপ্রেক্ষিতে; হরিঃ—ভগবান শ্রীহরি।

অনুবাদ

জড়া শক্তির উৎস হওয়ার ফলে সূর্যদেবরূপে পরমেশ্বর ভগবান শ্রীহরির বিস্তারকে নববিধ ভাবে বর্ণনা করা হয়েছে। হে শৌনক, সেগুলি হচ্ছে—কাল, স্থান, প্রচেষ্টা, কর্তা, করণ, বিশেষ আনুষ্ঠানিক ক্রিয়া, শাস্ত্র, আরাধনার দ্রব্য এবং লভ্য ফল।

শ্লোক ৩২

মধ্বাদিষু দ্বাদশসু ভগবান্ কালরূপধৃক্ ।

লোকতন্ত্রায় চরতি পৃথগ্ দ্বাদশভিগণৈঃ ॥ ৩২ ॥

মধু-আদিষু—মধু আদি; দ্বাদশসু—দ্বাদশ (মাসে); ভগবান্—পরমেশ্বর ভগবান; কাল-রূপ—কালরূপ; ধৃক্—ধারণ করে; লোক-তন্ত্রায়—গ্রহের গতি নিয়ন্ত্রণ করতে; চরতি—ভ্রমণ করেন; পৃথগ্—পৃথকভাবে; দ্বাদশভিঃ—দ্বাদশের সহিত; গণৈঃ—পার্ষদ দল।

অনুবাদ

সূর্যদেব রূপে তাঁর কালশক্তি প্রকাশ করে পরমেশ্বর ভগবান ব্রহ্মাণ্ডের অন্তর্গত গ্রহপুঞ্জের গতিকে নিয়ন্ত্রণ করতে মধু আদি দ্বাদশ মাসের প্রত্যেকটিতে পরিভ্রমণ করেন। এই দ্বাদশ মাসের প্রত্যেকটিতে ছয়টি পার্ষদ দল সূর্যদেবের সঙ্গে পরিভ্রমণ করেন।

শ্লোক ৩৩

ধাতা কৃতস্থলী হেতিবাসুকী রথকৃন্মুনে ।

পুলস্ত্যস্তম্বুরুরিতি মধুমাসং নয়ন্ত্যমী ॥ ৩৩ ॥

ধাতা-কৃতস্থলী হেতিঃ—ধাতা, কৃতস্থলী এবং হেতি; বাসুকীঃ রথকৃৎ—বাসুকি এবং রথকৃৎ; মুনে—হে মুনিবর; পুলস্ত্যঃ তম্বুরুঃ—পুলস্ত্য এবং তম্বুরু; ইতি—এইরূপে;

মধু-মাসম্—মধু মাস (চৈত্র তথা মহাবিষ্ণু কালে); নয়ন্তি—অভিমুখী করে;
অমী—এই সকল।

অনুবাদ

হে মুনিবর, সূর্যদেব রূপে খাতা, অঙ্গরারূপে কৃতস্থলী, রাক্ষসরূপে হেতি, নাগরূপে বাসুকি, যক্ষরূপে রথকৃৎ, ঋষিরূপে পুলস্ত্য এবং গন্ধর্ব্বরূপে তুঙ্গুরু মধুমাসকে নিয়ন্ত্রণ করেন।

শ্লোক ৩৪

অর্যমা পুলহোহর্থৌজাঃ প্রহেতিঃ পুঞ্জিকস্থলী ।

নারদঃ কচ্ছনীরশ্চ নয়ন্ত্যেতে স্ম মাধবম্ ॥ ৩৪ ॥

অর্যমা পুলহঃ অর্থৌজাঃ—অর্যমা, পুলহ এবং অর্থৌজা; প্রহেতিঃ পুঞ্জিকস্থলী—
প্রহেতি এবং পুঞ্জিকস্থলী; নারদঃ কচ্ছনীরঃ—নারদ ও কচ্ছনীর; চ—ও; নয়ন্তি—
নিয়ন্ত্রণ করেন; এতে—এই সকল; স্ম—বস্তুতপক্ষে; মাধবম্—মাধব মাসকে
(বৈশাখ)।

অনুবাদ

সূর্যদেব রূপে অর্যমা, ঋষিরূপে পুলহ, যক্ষরূপে অর্থৌজা, রাক্ষসরূপে প্রহেতি,
অঙ্গরারূপে পুঞ্জিকস্থলী, গন্ধর্ব্বরূপে নারদ, নাগরূপে কচ্ছনীর মাধব মাসকে নিয়ন্ত্রণ
করেন।

শ্লোক ৩৫

মিত্রোহত্রিঃ পৌরুষেয়োহথ তক্ষকো মেনকা হাহাঃ ।

রথস্বন ইতি হ্যেতে শুক্রমাসং নয়ন্ত্যমী ॥ ৩৫ ॥

মিত্রঃ অত্রিঃ পৌরুষেয়ঃ—মিত্র, অত্রি এবং পৌরুষেয়; অথ—এবং; তক্ষকঃ মেনকা
হাহাঃ—তক্ষক, মেনকা ও হাহা; রথস্বনঃ—রথস্বন; ইতি—এইরূপে; হি—
বস্তুতপক্ষে; এতে—এই সকল; শুক্র-মাসম্—শুক্র মাসকে (জ্যৈষ্ঠ); নয়ন্তি—নিয়ন্ত্রণ
করেন; অমী—এই সকল।

অনুবাদ

সূর্যদেবরূপে মিত্র, ঋষিরূপে অত্রি, রাক্ষসরূপে পৌরুষেয়, নাগরূপে তক্ষক,
অঙ্গরারূপে মেনকা, গন্ধর্ব্বরূপে হাহা এবং যক্ষরূপে রথস্বন শুক্র মাসকে নিয়ন্ত্রণ
করেন।

শ্লোক ৩৬

বশিষ্ঠো বরুণো রত্না সহজন্যস্তথা হুহুঃ ।

শুক্ৰশ্চিত্ৰস্বনশ্চৈব শুচিমাসং নয়ন্ত্যমী ॥ ৩৬ ॥

বশিষ্ঠঃ বরুণঃ রত্না—বশিষ্ঠ, বরুণ এবং রত্না; সহজন্যঃ—সহজন্য; তথা—ও; হুহুঃ—হুহু; শুক্ৰঃ চিত্ৰস্বনঃ—শুক্ৰ এবং চিত্ৰস্বন; চ এব—এবং; শুচি-মাসম্—শুচি মাস (আষাঢ়); নয়ন্তি—নিয়ন্ত্রণ করেন; অমী—এই সকল।

অনুবাদ

ঋষিরূপে বশিষ্ঠ, সূর্যদেবরূপে বরুণ, অঙ্গরারূপে রত্না, রাক্ষসরূপে সহজন্য, গন্ধর্বরূপে হুহু, নাগরূপে শুক্ৰ এবং যক্ষরূপে চিত্ৰস্বন শুচিমাসকে নিয়ন্ত্রণ করেন।

শ্লোক ৩৭

ইন্দ্রো বিশ্বাবসুঃ শ্রোতা এলাপত্রস্তথাস্থিরাঃ ।

প্রম্লোচা রাক্ষসো বর্যো নভোমাসং নয়ন্ত্যমী ॥ ৩৭ ॥

ইন্দ্রঃ বিশ্বাবসুঃ শ্রোতাঃ—ইন্দ্র, বিশ্বাবসু এবং শ্রোতা; এলাপত্রঃ—এলাপত্র; তথা—এবং; অস্থিরাঃ—অস্থিরা; প্রম্লোচা—প্রম্লোচা; রাক্ষসঃ বর্যঃ—বর্য নামে রাক্ষস; নভঃ-মাসম্—নভো (শ্রাবণ) মাসকে; নয়ন্তি—নিয়ন্ত্রণ করেন; অমী—এই সকল।

অনুবাদ

সূর্যদেবরূপে ইন্দ্র, গন্ধর্বরূপে বিশ্বাবসু, যক্ষরূপে শ্রোতা, নাগরূপে এলাপত্র, ঋষিরূপে অস্থিরা, অঙ্গরারূপে প্রম্লোচা এবং রাক্ষসরূপে বর্য নভো মাসকে নিয়ন্ত্রণ করেন।

শ্লোক ৩৮

বিবস্বানুগ্রসেনশ্চ ব্যাঘ্র আসারণো ভৃগুঃ ।

অনুম্লোচা শঙ্খপালো নভস্যাত্ম্যং নয়ন্ত্যমী ॥ ৩৮ ॥

বিবস্বান্ উগ্রসেনঃ—বিবস্বান ও উগ্রসেন; চ—ও; ব্যাঘ্রঃ আসারণঃ ভৃগুঃ—ব্যাঘ্র, আসারণ ও ভৃগু; অনুম্লোচা শঙ্খপালঃ—অনুম্লোচা ও শঙ্খপাল; নভস্য-আত্ম্যম্—নভস্য নামক মাসকে (ভাদ্র); নয়ন্তি—শাসন করেন; অমী—এই সকল।

অনুবাদ

সূর্যদেবরূপে বিবস্বান, গন্ধর্বরূপে উগ্রসেন, রাক্ষসরূপে ব্যাঘ্র, যক্ষরূপে আসারণ, ঋষিরূপে ভৃগু, অঙ্গরারূপে অনুম্লোচা এবং নাগরূপে শঙ্খপাল নভস্য মাসকে নিয়ন্ত্রণ করেন।

শ্লোক ৩৯

পৃষা ধনঞ্জয়ো বাতঃ সুষেণঃ সুরুচিস্তথা ।

ঘৃতাচী গৌতমশ্চেতি তপোমাসং নয়ন্ত্যমী ॥ ৩৯ ॥

পৃষা ধনঞ্জয়ঃ বাতঃ—পৃষা, ধনঞ্জয় এবং বাত; সুষেণঃ সুরুচিঃ—সুযেণ এবং সুরুচি; তথা—ও; ঘৃতাচী গৌতমঃ—ঘৃতাচী ও গৌতম; চ—এবং; ইতি—এইরূপে; তপঃ মাসম্—তপঃ (মাঘ) মাসকে; নয়ন্তি—নিয়ন্ত্রণ করেন; অমী—এই সকল।

অনুবাদ

সূর্যদেবরূপে পৃষা, নাগরূপে ধনঞ্জয়, রাক্ষসরূপে বাত, গন্ধর্বরূপে সুযেণ, যক্ষরূপে সুরুচি, অঙ্গরারূপে ঘৃতাচী এবং ঋষিরূপে গৌতম তপো মাসকে নিয়ন্ত্রণ করেন।

শ্লোক ৪০

ঋতুর্বচা ভরদ্বাজঃ পর্জন্যঃ সেনজিৎ তথা ।

বিশ্ব ঐরাবতশ্চেব তপস্যাখ্যং নয়ন্ত্যমী ॥ ৪০ ॥

ঋতুঃ বচা ভরদ্বাজঃ—ঋতু, বচা এবং ভরদ্বাজ; পর্জন্যঃ সেনজিৎ—পর্জন্য এবং সেনজিৎ; তথা—ও; বিশ্বঃ ঐরাবতঃ—বিশ্ব এবং ঐরাবত; চ এব—ও; তপস্য-আখ্যম্—তপস্যা (মাঘুন) নামে খ্যাত মাস; নয়ন্তি—নিয়ন্ত্রণ করেন; অমী—এই সকল।

অনুবাদ

যক্ষরূপে ঋতু, রাক্ষসরূপে বচা, ঋষিরূপে ভরদ্বাজ, সূর্যদেবরূপে পর্জন্য, অঙ্গরারূপে সেনজিৎ, গন্ধর্বরূপে বিশ্ব এবং নাগরূপে ঐরাবত তপস্যা মাসকে নিয়ন্ত্রণ করেন।

শ্লোক ৪১

অথাংশুঃ কশ্যপস্তার্ক্য ঋতসেনস্তথোর্বশী ।

বিদ্যুচ্ছক্রমহাশঙ্খাঃ সহোমাসং নয়ন্ত্যমী ॥ ৪১ ॥

অথ—তারপর; অংশুঃ কশ্যপঃ তার্ক্যঃ—অংশু, কশ্যপ এবং তার্ক্য; ঋতসেনঃ—ঋতসেন; তথা—এবং; উর্বশী—উর্বশী; বিদ্যুচ্ছক্রঃ মহাশঙ্খাঃ—বিদ্যুচ্ছক্র এবং মহাশঙ্খ; সহঃ-মাসম্—সহো (মার্গশীর্ষ) মাসকে; নয়ন্তি—নিয়ন্ত্রণ করেন; অমী—এই সকল।

অনুবাদ

সূর্যদেবরূপে অংশু, ঋষিরূপে কশ্যপ, যক্ষরূপে তাক্ষ্য, গন্ধর্বরূপে ঋতসেন, অঙ্গরারূপে উর্বশী, রাক্ষসরূপে বিদ্যুচ্ছত্র এবং নাগরূপে মহাশঙ্খ সহোমাসকে নিয়ন্ত্রণ করেন।

শ্লোক ৪২

ভগঃ স্ফূর্জোহরিষ্টনেমিরূর্ণ আয়ুশ্চ পঞ্চমঃ ।

কর্কোটকঃ পূর্বচিহ্নিঃ পুষ্যমাসং নয়ন্ত্যমী ॥ ৪২ ॥

ভগঃ স্ফূর্জঃ অরিষ্টনেমিঃ—ভগ, স্ফূর্জ এবং অরিষ্টনেমি; উর্ণঃ—উর্ণ; আয়ুঃ—আয়ুর; চ—এবং; পঞ্চমঃ—পঞ্চম পার্বদ; কর্কোটকঃ পূর্বচিহ্নিঃ—কর্কোটক এবং পূর্বচিহ্নি; পুষ্য-মাসম্—পুষ্য মাস; নয়ন্তি—নিয়ন্ত্রণ করেন; অমী—এই সকল।

অনুবাদ

সূর্যদেবরূপে ভগ, রাক্ষসরূপে স্ফূর্জ, গন্ধর্বরূপে অরিষ্টনেমি, যক্ষরূপে উর্ণ, ঋষিরূপে আয়ু, নাগরূপে কর্কোটক এবং অঙ্গরারূপে পূর্বচিহ্নি পুষ্যমাসকে নিয়ন্ত্রণ করেন।

শ্লোক ৪৩

ত্বষ্টা ঋচীকতনয়ঃ কশ্বলশ্চ তিলোত্তমা ।

ব্রহ্মাপেতোহথ শতজিহ্বতরাষ্ট্র ইষন্তরাঃ ॥ ৪৩ ॥

ত্বষ্টা—ত্বষ্টা; ঋচীক-তনয়ঃ—ঋচীকের পুত্র (জমদগ্নি); কশ্বলঃ—কশ্বল; চ—এবং; তিলোত্তমা—তিলোত্তমা; ব্রহ্মাপেতঃ—ব্রহ্মাপেত; অথ—এবং; শতজিহ্ব—শতজিহ্ব; তরাষ্ট্রঃ—তরাষ্ট্র; ইষন্তরাঃ—ইষ (আশ্বিন) মাসের পালক।

অনুবাদ

সূর্যদেবরূপে ত্বষ্টা, ঋষিরূপে ঋচীকপুত্র জমদগ্নি, নাগরূপে কশ্বল, অঙ্গরারূপে তিলোত্তমা, রাক্ষসরূপে ব্রহ্মাপেত, যক্ষরূপে শতজিহ্ব এবং গন্ধর্বরূপে তরাষ্ট্র ইষ মাসকে পালন করেন।

শ্লোক ৪৪

বিষ্ণুরশ্বতরো রস্তা সূর্যবর্চাশ্চ সত্যজিহ্ব ।

বিশ্বামিত্রো মখাপেত উর্জমাসং নয়ন্ত্যমী ॥ ৪৪ ॥

বিষ্ণুঃ অশ্বতরঃ রক্তা—বিষ্ণু, অশ্বতর এবং রক্তা; সূর্য-বর্চাঃ—সূর্যবর্চা; চ—এবং;
সত্যজিৎ—সত্যজিৎ; বিশ্বামিত্রঃ মখাপেতঃ—বিশ্বামিত্র এবং মখাপেত; উর্জ-মাসম্—
উর্জ (কার্তিক) মাসকে; নয়ন্তি—নিয়ন্ত্রণ করেন; অমী—এই সকল।

অনুবাদ

সূর্যদেবরূপে বিষ্ণু, নাগরূপে অশ্বতর, অঙ্কররূপে রক্তা, গন্ধর্বরূপে সূর্যবর্চা, যক্ষরূপে
সত্যজিৎ, ঋষিরূপে বিশ্বামিত্র এবং রাক্ষস রূপে মখাপেত উর্জ মাসকে নিয়ন্ত্রণ
করেন।

ভাৎপর্ষ

এই সমস্ত সূর্যদেব এবং তাঁদের পার্শ্বদগণের কথা পৃথক পৃথক ভাবে কুর্মপুরাণে
নিম্নোক্তরূপে উল্লেখ আছে—

ধাতার্যমা চ মিত্রশ্চ বরুণশ্চৈব চ ।
বিশ্বান অথ পুষা চ পর্জন্যশ্চাংশুরেব চ ॥
ভগত্বষ্টা চ বিষ্ণুশ্চ আদিত্যা দ্বাদশ স্মৃতাঃ ।
পুলস্ত্যঃ পুলহশ্চাত্রির্বসিষ্টোহথাঙ্গিরা ভৃগুঃ ॥
গৌতমোহথ ভরদ্বাজঃ কশ্যপঃ ক্রতুরেব চ ।
জমদগ্নিঃ কৌশিকশ্চ মুনয়ো ব্রহ্মবাদিনাঃ ॥
রথকৃচ্চাপ্যথোজাশ্চ গ্রামণীঃ সুরচিস্তথা ।
রথচিত্রদ্বনঃ শ্রোতারুণঃ সেনজিৎ তথা ।
তার্ক্যারিষ্টনেমিচরিতজিৎ সত্যজিৎ তথা ॥
অথহেতিঃ প্রহেতিশ্চ পৌরুষেয়ো বধস্তথা ।
বর্যোব্যাস্তথাপশ্চ বায়ুর্বিদ্যাদিবাকরঃ ॥
ব্রহ্মাপেতশ্চবিপেন্দ্রা যজ্ঞাপেতশ্চ রাক্ষসাঃ ।
বাসুকিঃ কচ্ছনীরশ্চ তক্ষকঃ শুক্র এব চ ॥
এলাপত্রঃ শঙ্খপালস্তথৈরাবত সংজিতঃ ।
ধনঞ্জয়ো মহাপদ্মস্তথা কর্কোটকো দ্বিজাঃ ॥
কম্বলোহশ্বতরশ্চৈব বহন্তোনং যথাক্রমম্ ।
তুম্বকুর্নারদো হাহা হুহুর্বিম্বাবসুস্তথা ॥
উগ্রসেনো বসুকচির্বিম্ববসুর অথাপরঃ ।
চিত্রসেনস্তথোর্নায়ুর্ধৃতরাষ্ট্রো দ্বিজোত্তমাঃ ॥
সূর্যবর্চা দ্বাদশৈতে গন্ধর্বা গায়তাং বরাঃ ।
কৃতস্তল্যঙ্গরোবর্যা তথান্যাপুঞ্জিকঙ্কলী ॥

মেনকা সহজন্যা চ প্রমোচা চ দ্বিজোত্তমাঃ ।
 অনুমোচা ঘৃতাচী চ বিশ্বাচীচোর্বশী তথা ॥
 অন্য্য চ পূর্বচিহ্নিঃ স্যাদান্যা চৈব তিলোত্তমা ।
 রত্না চেতি দ্বিজশ্রেষ্ঠান্তথৈবাক্ষরসঃ স্মৃতাঃ ॥

শ্লোক ৪৫

এতা ভগবতো বিষ্ণোরাদিত্যস্য বিভূতয়ঃ ।

স্মরতাং সঙ্ক্যায়োৰ্ণাং হরন্ত্যাংহো দিনে দিনে ॥ ৪৫ ॥

এতাঃ—এই সকল; ভগবতঃ—পরমেশ্বর ভগবান; বিষ্ণোঃ—ভগবান শ্রীবিষ্ণু; আদিত্যস্য—সূর্যদেবের; বিভূতয়ঃ—বিভূতি; স্মরতাম্—যাঁরা স্মরণ করেন তাদের পক্ষে; সঙ্ক্যায়োঃ—দিবসের সন্ধিক্ষণ সমূহে; ণ্যাম্—সেইরকম মানুষের পক্ষে; হরন্তি—হরণ করেন; অংহঃ—পাপের ফল; দিনে দিনে—দিনে দিনে।

অনুবাদ

এই সকল ব্যক্তিগণ হচ্ছেন সূর্যদেব রূপে পরমেশ্বর ভগবানের ঐশ্বর্যময় বিস্তার। যারা ভোর এবং সূর্যাস্তের সময় এই সকল বিগ্রহের কথা স্মরণ করেন, তাঁরা তাদের সমস্ত পাপের ফল হরণ করেন।

শ্লোক ৪৬

দ্বাদশম্বপি মাসেষু দেবোহসৌ ষড়্ভিরস্য বৈ ।

চরন্ সমস্তাং তনুতে পরত্রেহ চ সন্মতিম্ ॥ ৪৬ ॥

দ্বাদশসু—দ্বাদশের প্রত্যেকটিতে; অপি—বস্তুতপক্ষে; মাসেষু—মাসে; দেবঃ—দেব; অসৌ—এই; ষড়্ভিঃ—ছয় প্রকার পার্যদ সহ; অস্যা—এই জগতের জনগণের জন্য; বৈ—নিশ্চয়ই; চরন্—বিচরণ করে; সমস্তাং—সর্বদিকে; তনুতে—প্রসার করেন; পরত্রে—পরলোকে; ইহ—ইহ জীবনে; চ—এবং; সৎ-মতিম্—শুদ্ধ মতি।

অনুবাদ

এইভাবে দ্বাদশ মাস ধরে ইহ জীবন এবং পর জীবনের জন্য ব্রহ্মাণ্ডবাসী জীবগণের অন্তরে বিশুদ্ধ চেতনার সঞ্চার করে সূর্যদেব তাঁর ছয় প্রকার পার্যদ সহ সর্ব দিকে পরিভ্রমণ করেন।

শ্লোক ৪৭-৪৮

সামর্গ্যজুর্ভিস্তল্লিসৈর্ধ্বয়ঃ সংস্তুবন্ত্যমুম্ ।

গন্ধর্বাস্তং প্রণায়ন্তি নৃত্যন্ত্যঙ্গরসোহগ্রতঃ ॥ ৪৭ ॥

উন্নহ্যন্তি রথং নাগা গ্রামণ্যো রথযোজকাঃ ।

চোদয়ন্তি রথং পৃষ্ঠে নৈর্ঋতা বলশালিনঃ ॥ ৪৮ ॥

সাম-ঋক-যজুর্ভিঃ—সাম, ঋক্ এবং যজুর্বেদের মন্ত্র সহযোগে; তৎ-নিঃ—যা সূর্যদেবকে প্রকাশ করে; ঋষয়ঃ—ঋষিগণ; সংস্রবন্তি—গুণকীর্তন করেন; অমুম্—তঁাকে; গন্ধর্বাঃ—গন্ধর্বগণ; তম্—তঁার সম্পর্কে; প্রণয়ন্তি—উচ্চস্বরে গান করেন; নৃত্যন্তি—নৃত্য করেন; অঙ্গরসঃ—অঙ্গরাগণ; অগ্রতঃ—সামনে; উন্নহ্যন্তি—বন্ধন করেন; রথম্—রথটিকে; নাগাঃ—নাগগণ; গ্রামণ্যঃ—যক্ষগণ; রথ-যোজকাঃ—যারা রথকে ঘোড়ার সঙ্গে সংযুক্ত করেন; চোদয়ন্তি—চালনা করেন; রথম্—রথটিকে; পৃষ্ঠে—পেছন দিক থেকে; নৈর্ঋতাঃ—রাক্ষসগণ; বলশালিনঃ—বলশালী।

অনুবাদ

ঋষিগণ যখন সাম, ঋক্ এবং যজুর্বেদীয় মন্ত্র সহযোগে সূর্যদেবের স্বরূপ প্রকাশক গুণমহিমা কীর্তন করেন, সেই সময় গন্ধর্বগণও তঁার গুণ কীর্তন করেন এবং অঙ্গরাগণ তঁার রথের অগ্রভাগে নৃত্য করেন। নাগগণ রথের রজ্জু বন্ধন করেন এবং যক্ষগণ ঘোড়াগুলিকে রথে সংযুক্ত করেন এবং সেই সময় শক্তিশালী রাক্ষস গণ সেই রথকে পেছন দিক থেকে ধাক্কা দিয়ে থাকেন।

শ্লোক ৪৯

বালখিল্যাঃ সহস্রাণি যন্তি ব্রহ্মর্ষয়োঃ মলাঃ ।

পুরতোহভিমুখং যান্তি স্তবন্তি স্তুতিভির্বিভুম্ ॥ ৪৯ ॥

বালখিল্যাঃ—বালখিল্যগণ; সহস্রাণি—সহস্র; যন্তিঃ—যাট; ব্রহ্ম-ঋষয়ঃ—ব্রহ্মঋষিগণ; অমলাঃ—নির্মল; পুরতঃ—সামনে; অভিমুখম্—রথের অভিমুখে; যান্তি—গমন করেন; স্তবন্তি—স্তব করেন; স্তুতিভিঃ—বৈদিক স্তুতির দ্বারা; বিভুম্—সর্বশক্তিমান প্রভু।

অনুবাদ

সেই রথের অভিমুখে দাঁড়িয়ে সম্মুখে ভ্রমণ করতে করতে বালখিল্য নামে খ্যাত যাট হাজার ব্রাহ্মণ বৈদিক মন্ত্র সহযোগে সর্বশক্তিমান সূর্যদেবের প্রতি প্রার্থনা নিবেদন করেন।

শ্লোক ৫০

এবং হ্যনাদিনিধনো ভগবান্ হরিরীশ্বরঃ ।

কল্লে কল্লে স্বমাত্মানং ব্যুহ্য লোকানবত্যজঃ ॥ ৫০ ॥

এবম্—এইভাবে; হি—বস্তুতপক্ষে; অনাদি—অনাদি; নিধনঃ—কিংবা নিধন; ভগবান্—পরমেশ্বর ভগবান; হরিঃ—ভগবান শ্রীহরি; ঈশ্বরঃ—পরম নিয়ন্তা; কল্পে কল্পে—ব্রহ্মার প্রত্যেক দিবসে; স্বম্ আত্মানম্—স্বয়ং; ব্যুহ্য—বিভিন্নরূপে প্রসারিত; লোকান্—লোকসমূহ; অবতি—রক্ষা করেন; অজঃ—জন্মরহিত ভগবান।

অনুবাদ

সমস্ত জগৎকে রক্ষা করবার জন্য অনাদি অনন্ত এবং অজস্বরূপ পরমেশ্বর ভগবান শ্রীহরি এইরূপে ব্রহ্মার প্রতিটি দিবসে তাঁর ব্যক্তিগত প্রতিভুরূপে এই সকল বিশেষ বিশেষ দলে নিজেকে বিস্তার করেন।

ইতি শ্রীমদ্ভাগবতের দ্বাদশ স্কন্ধের 'বিরাটপুরুষের সংক্ষিপ্ত বর্ণনা' নামক একাদশ অধ্যায়ের কৃষ্ণকৃপাশ্রীমূর্তি শ্রীল অভয়চরণারবিন্দ ভক্তিবেদান্ত স্বামী প্রভুপাদের দীনহীন দাসবৃন্দকৃত তাৎপর্য সমাপ্ত।